


NGA LA SHEM

Ah Shano Ngan Phai-2



NEPALAYA STATE CENTRAL
LIBRARY - KATHMANDU

**NBA
LA
SHEM**



S. Kharlyngdoh

1988

(Ia ka Hok Longtrai la Tyngkai)

Sien shon ba nyngkong 1988

SHIKYNTIEN

Nga tyrwa biang sa shisien haphi ki nong
pule baielt ia kane ka Novel NGA LA SHEM - II
kaba long ka bynta kaba ar jong ka 'SHANO
NGAN PHAI - I.

Kane ruh ka dei ka Novel : Fiction. Kumta
ka long ~~nadong~~ ~~shadong~~ ka jingringdur bad mut-
dur jong u nongthoh hi. Kam don jingiadei bad
no bad no la ki jaka ne briew kiba dang im ha
kane ka sla pgrthei.

To shim ia kane ka khana da kaba puson
bad pynshong nongrim bha. la kaba dei bam
shngiam bad ia ki satar 'kyndat sharud.

Khublei Shihajar Nguh,

Nongthoh

Ki sngi, ki taiew, bad ki bnai ki
 iaid kawei hadien kawei. U Fairlin naduh
 ba u la iakhlad noh bad ka Dianora, u
 la kut jingmut ba un da peit shuwa ba
 un ryngtoh. Kata ka mut un da peit
 da khan shuwa ba un ibha ia kano kano
 ka saml, ioh u kum ngat ba ki Shang-
 kawiah ia shu phon snu pah dano-re.
 U la dei mad mynta ia ka jingieit ba
 har ruo o, kumta u la sngewthuh ba ka
 jingieit hlem ka jingia kheikor markyl-
 liang tad khlem ka jingtyngkai ia ka,
 kam lan da lei lei ruh ban pynmih ia u
 soh uba bha. Ka jingieit hi kam ju pyn-
 long ia u biew ban iaid tang malade,
 hynrei ka pynlong solansr ia ki biew
 nadong-shadong. Ha ka jingieit hi ym don
 ba riawpah ne ba duk, ym don ba stad
 ba biej, ym don ka banga mei ne sngew-
 sarong, hynrei ka pyniaryngkat dor nadong
 shadong.

Shisnem ka la iaid, u Fairlin u la
 shu pynmyllen noh ielade nan lait aa ki
 jingklusai, da kaba u ngeit ba un sa ia
 kyoduh hi ba kawei ka sngi, ia ka shyeng
 krung jong u bad un ioh ia shong iasah

ryngkat junom la junom. Kiba haing ha-
sem jong u pat kim tip ia kaei kaba la
dep jia ia ka jingim jong u. Ma u ruh
kum u khyannah samla uba don hi ia ka
jinglong babha naduh ba u dangrit bad
uba kham pher na ki hynmen para, u la
pynpaw ia ka jinglong babha jong u bad
hangne ngi lah ban ong ba u la ioh biang
ia ka mynsiem sngewrit jong ka jinglong
khyannah jong u namar mynta lei lei u la
kham shemphang kham bha. Hoodid ki
kam jong u ki ia p.w.pen-ryngkew, hyn-
rei kum u samla ba shemphang u tip ba
man u briew u don hi u maw jynthut
ne ki jingbakla ba u Ki tymmen ki san
ruh kiba ithuh ithaw ia u bad kiba la
tip ia ka jinglong jingim jong u ki iaroh
shikatdei eh khan tam ia ka jingkut jing-
mut jong u ban im da kawei pat ka
jingim. Ki jingmut jingpyrkhat jong u ki
long kiba iar katta katta watla ka rta
jong u ka dang kham rit. U don ia ka
Kupar khmat kaba i lehrut bad uba i
pyrkhat jylliew bha.

Namar ba u long u samla u ba-smat
bha ban tem jingtem kumta ruh kham
bunsien ynda la miet ha ki por ba u lait,
u ju shim ia ka guitar bad u shong ban
phawer ia ki jingtwai ba sngew myllung

kiba kham ia dei bha bad ka jingim lajong.
 Watla hapdeng kat kita ki jingsngewsih
 ba u la mad hy:rei u sngewtngen khyn-
 diat haba u ioh ban kynud sur ha ka
 jingtem jong u. Ki paralok jong u kim lah
 ban wan man ka por ban ai jingtngen ia
 u, hynrei u sngew palei jingmut pat haba
 u ioh shong marwei ban kynud sur ha
 ka jingtem jong u.

Kum:ne u la im, la iaid ka jinglong
 jingim ba la pynkylla bak-ly-bak na kaba
 mynshuwa haduh ba ki paralok ba-jan eh
 jong u ki la i lyngngoh ia ka jingkylla
 kysan jong ka jingim jong u. U Ratbor
 ruh u paralok ba shi mynsiem jong u, u
 la lyngngoh ngaiñ ban iohi ba kum ma
 u uba iaid awria un ioh ia kaba kum ka
 kane ka mynsiem.

Ki taiew ki bnai ki la jan ba u Fairlin un pynkhreh ia ka eksamin final jong u na ka bynta ka P.U. U la minot tynggeh ha kane ka khap da kaba u kyrmen ba un sa ioh ban kheit ia u soh u ba bha tam. Tang shu wai ra klas, u la wan bejt sha iing bad ynda u la dep bam dep diu u la shong khui ban pule la ki kot. Tang teng hat eh u mih leit iald kai ban pyn-pyngngad bad pynaram ia la ka met ka phad na ka jinglep ba u la shong pule kot than.

Ynda ka la dei ba un ialeh ia ka eksamin final, u Fairlin u la lah ban thoh kham bha naduh ka sngi ba sdang ialeh haduh ban da kut. lait tang ka subject Khasi namar ba um da khreh bha, ba u kheifn sting ia ka ktien la jong. Kumne hi bun na ngi ki Khasi ngim ju da kham niew kor ia la ka ktien la jong, bad haba ngi khreh ruh, ngi shu khreh tang dep rukom ban pass ralu mala. Ngim nang ban kheifn kor ia la ka jong bad ngim ju da kham nang ruh ban tyngkai bad ri kyndong ia ka, dei na kane ka daw ba ngi sa sah bieij bad sah dum ha

ki liang baroh. U Fairlin ruh u la shu khren tang dep rukom, namar u tharai ba ka kham jem ban thoh ba ka dei ka ktien la jong. La katta ruh, wat la um lah ban thoh bha, hynrei u shu kyrmen hi ba un pass ia ka.

Ar bnai ei ei hadien ba u la dep ialeh ia ka eksamin, ka khubor kaba pynshlei ia ka mynsiem jong u da ka jing kmen ka long ba u la ioh la kawei ka shithi thungkam na kawei ka ophis ia ka kam kaba u la dep leit interview la kham slem. Dei ha ka por ba u don ha la shnong ba u la ioh ia kane ka shithi ha kaba la thung kam ia u, kumta u la pyni ia ka sha la ki kmie, ki kpa bad baroh shi iing shi sem. Ki ruh ki la fakmen, ia sngewbha lang bad ha kaba kum kane ka por la pyndap ia ka iing baroh kawei da ka jingkmen bym lah batai. I kong Roplin bad u bah Shai-phar, ki kmie, ki kpa jong u, ki la sneng, la pyni ia u shuwa ba un leit trei ia kata ka kam, ba un kiar na ki kam bam sap bam pong baroh. Ki la ong ruh ia u ba un shu leit pule noh mynmiet ia ka B.A lada jia ba u pas ia ka P.U.

Ar taiew ei ei hadien ba u la ioh ia ka shithi thung kam, u la dei ban leit

trei noh. U la donkam namar kata ban leit noh sha Shillong. Kumta ar sngi shuwa ka sngi ban rung kam u Fæirlin u la khreh ban leit noh sha Shillong. Ka kmie u kpa jong u, ki la kitbok kitrwiang ia u. Ki la sneng la pyni ruh ia u ba un im un iaïd ha ka lynti kaba beit bahok bad ba un pyni ia ka akor ka burom ba bha ha ki lok ki jor bad ki para briew baroh. Ki hynmen para jong u ruh ki la ia kitbok kit rwiang lem ia u. Baroh shi ïng-shi sem ki la ai khublei bad ka doh-ka dait khatduh ia u. Ma u ruh u la ai khublei bad ka doh ka dait khad-duh ia ki bad u la leit noh. U la shu rah kti kum ban ong, 'Shongsuk baroh' haduh ba un da jah lyngngop na ka jing-iohi jong ki bad ma ki ruh ki la rah kti kylliang ia u.

Kumba ar bnai hadien ba u Fairlin u la leit rung kam, ka result jong ka P.U. ruh ka la mih. Kumta u la leit ban peit ia ka jingtrei shitom la jong da ka jingkyrmen ba un pas la kumno kumno ruh kham sha khmat. Kumta ruh kumba u la trei shitom, u la ioh ruh ban kheit ia u soh uba bha shikatdei eh da kaba u la pas bad wan ha ka kyrdan kaba nyngkong, ka mynsiem jong u ka la shlei tang da ka jingkmen suda. Ki para khynnah klas jong u ruh kiba wan peit result ha kata ka sngi, shibun na ki ki la ia pas bad tang katto katne ngut kiba sah. Kumta katno ka la pyndap ia ki da ka jingkmen ban iohi ba bun na ki, kiba ia pule ryngkat ki la ia pas.

Ha kata ka sngi, tang shu poi haing. u Fairlin u la thoh da ka shithi ban pyntip sha ki kmie, ki kpa bad kiba ha iing ha sem ba u la dep ioh ia ka result bad ba u pas bha shikatdei eh.

Ar sngi hadien ba la pynmih ia ka result P.U, u Ratbor ruh u la wan mih

sha iing u Fairlin. Tok tok u la tied ia ka jingkbang. U Fairlin, ruh u la wan ban plie ia ka.

"Wa! da I Ratbor pleng" la leh kyn-
dit u Fairlin, naei kumne phi dang wan
ba phi la mih syep bha phuk-phuk?" u la
kylli, "Ale rung shapoh iing," u la khot.

"Nga dang shu mih hi na iing..." la
phai ktien u Ratbor... "Phi pat phi mut
ban leit shaei kumne ba phi la ram bha
jriang...?" u la kylli.

"Nga dang mut ban leit trei aoh phi
Ratbor..."

"Oh! phi lah da ioh kam seh Bah
Bah?"

"Ho,oid keiñ..." kham shiphang pat
de, "Nga la khmih lynti ia phi ba phi
wan kai sha iing, ba ngan ioh iathuh ia
kita baroh, hynrei phi khlem wan mih".

"Lah latno mynta ba phi la trei?"
"Kumba ar bnai ei ei"

"Kata te, phi la dei ban khilai sha
noh keiñ..." la kren bria u Ratbor.

"Nga dang mut ia kata keiñ, ba nga sa khmih lynti ba phin wan kai sha ling ruh..." la iathuh u Fairlin. Hadien pat, "Oh! nga la klet ban iathuh," u la ong, "Mynta pat de phi la dei ban ioh double ka sha, namar bad ka sha ba nga la pas ia ka P.U Final de." U rkhe sam-mut artad.

"Congratulation for you, Bah Bah. Nga ruh nga mut ban wan kylli ia kata keiñ myntan, hynrei nga la klet roh" la ia kmen lang u Ratbor.

"Phi pat kumno....? Phi pas ne em?" la kylli u Fairlin, namar u Ratbor ha kane ka por u ialeh ia ka eksamin matrik.

Oh! ho,oid nga la pas Bah Bah. Nga ruh nga la klet ban iathuh...." U wiät artad rymmuñ.

"That's good, Ratbor. Congratulation for you too" Ki ia rkhe lang bad ka thapmet artad. "Phi ruh phi la dei ban khilai sha keiñ kata." la kren biria sa ma u.

"Ho,oid Bah Bah nga ruh nga mut kumta hi." u la ong, "tangba ka jongno keiñ yn ia diñ nyngkong.

"Kabha ngin ia leit dih shwa ka sha jong nga phi mynta ka sngi. Ngin shu ia leit sha Restuarant bad ynda ngi la dep nangto ngin sa ia khlad noh bad nga ruh ngan leit sha la jingtrei," la pyni u Fairlin.

"Ma phi phi pat phin wan lano sha iing jong ngi?" la kylli u Ratbor.

"Katba sngewbit ma phi keiñ" u la jubab.

"Kata te ka bha ba phin wan noh shibit janmiet keiñ, ynda phi la wan na jingtrei, mo?"

"Ka biang hi."

Hadien kata baroh ar ngut ki la ia mih noh ryngkat. Ki la ia kiew da ka taksi na jaka sangeh taksi Jaiaw haduh ha Motphran. Nangta ki la ia leit sha Police Bazar, bad ki la ia leit rung ha ka restaurant kaba u Fairlin u la ia leit dih sha bad ka Dianora ha ka por ba u dang ia laid bad ka. Ynda ki la mih nangta ki la shu ia khlad noh la ka jingleit. U Fairlin sha la ka jingtrei, bad u Ratbor pat u la wan phai noh sha iing banioh pynkhreh ia ka jingbam jingdih ia u Fairlin bad ki paralok kiba u la khot sngewbha ha kata ka janmiet.

Ka la long kumba ar bnai ei ei ba u Fairlin u la leit ban pule ia ka B.A. 1st year. U la leit noh mynmiet namar ba u trei kam sorkar mynsngi. Ha kawei ka miet ynda 'la wai klas, bad ynda haba u la wan on ia kawei ka para khyannah klas kaba sah kham jngai, u la dei iaid ia ka lynti kaba kham kynjah briew bad ki iing briew ruh ki kham duna bad ka jaka ka kham bun da ki khlaw. Kynsan kynsan harud lynti u la iohi ia arngut ki khyannah dkhar kiba mut ban bat lok jubor ia kawei ka samla khasi. Khlem da kren shi-kyntien ruh, namar ba um shah ka mynsiem ban iohi ia la ki para doh para snam ba ki hap ha kum kita ki apot ban shah leh bein; u la leit beit beit bad u la ai shi kynjat phak ia uwei na krung bad ia uwei pat u la shu kura na ka ngap. Hadien kata u la sdang ban kylli ia ki ba kumno kim lehraifi ba ki nud ban leh kumta ia ka kynthei briew. Hynrei kim shym sogewthuh namar ba u kren da ka phareng, katba ma ki pat kim nang phareng.

*Kumno phi mut bri leh- kumre ia ka kynthei briew bapli, ne phi don jing-

iadei alu?" u la kren, noh da ka ktien khasi.

"Ma ngi la leh kumno kumco ruh balei ma phi wan korbar" la jubab uwei na ki.

"Balei ngam wan korbar..." u la phai ktien, "pyllait noh ia ka ba kan leit noh sha ling...".

"Balei ban shu pyllait noh. Ma ngi em pyllait da lei lei ruh.. ma phi em don kam batai, ma ngi la tip hi lade," la ong uwei pit.

Yn'a u Fairlin u la peit sha kata ka samla briew u la fohi ba ka la shu fam bad ka la ong ia u ba un iarap ban pyllait ia ka na ki tyrsim jong kita ki 'riewdakait. U isynei ban peit ia ka bad hamar kata ka por khlem phai ktien shuh u la kura bad kynjat bad phuk-bad phak ia kita ki dkhar. La don ka jing-iashah bad jingiakura ka ba jur hapdeng kita ki dkhar bad u Fairlin. U Fairlin u la jan shah ram, tangba jait ba u dei u nongkyndong wat la u kham rit met makna hynrei u long uba khlañ bad u lah ban pyndem ia kita ki nongdusmon

ha kaba khatduh. Ki ruh tang shu sngew'huh ba kin lah shuh ban ia kyr-da ki la shu krat 'lamrem noh. "Khuelei shibun" La shu mih ka sur na kata ka samla briew bad ka sngew kum ban shu leit kdup bad ban doh ban'dait noh hangta hi ia u. La pynkyndeh ia ka dohnud jong ka, ka samla briew kaba 'i lup bha ban peit naduh khlieh haduh kjat. Hynrei ka ia kam pat dei ba kan leh kumta. Kam pat sngewnud wat ban leit bajan jong u, namar ba ka dang sngew lehrain. Kumta ka la shu peit liak ia u bad khlem feh khyllie ia la ka khmat, ka la shu dem noh snapoh da ka jinglehrain. U Fairlin ruh u sngew kum ban shu leit kdup noh bad doh ieid ia ka, hynrei um pat sngew nud bad um tip ruh la ka dei kaei, haba katta miet kynthei briew marwei ka dang iaid.

"Koit kam lei lei, tang ba phi la lait na ka 'kti jong 'kito 'ki khat pohait pohrati ka la 'biang hi" u la 'Fren "pyn-tingen noh ia ka. "Phi sah pat shaei?" u la kylli noh ia ka jata shong.

"Nga sah sha Mawlai Ra la jubab.

"Phi dang wan na shaei katta por kynthei briew marwei?" u la kylli biang.

"Oh, nga dang shu wan na Hospital ba i thiah pang i para shynrang jong nga, bad nga kum slem ba i phah thied jing-thied I mei na iew" ka la iathuh

"Ia ngan shu leit pynon noh manga sha iing kata," u la tyrwa sngewbha.

"Lada phi sngewbha .." ka la jubab.

Kumta baroh arngut ki la ia leit noh.

"Kaei ka kyrteng jong phi, lane kumno ngan khot ia phi ioh lehse lashai la shi sngi ngi iakynduh hangne hangtai....?" la kylli u Fairlin katba ki dang ia iaaid thop thop.

"Shemsuklang, ka dei ka kyrteng jong nga, tangba bun kiba shu khot tang 'Suklang', ka la jubab.

"Kaba sngewtynnad du ka kyrteng jong. phi..." u la pynroh.

"Shuh phi shano". Ka wiat rymmuifi. Shriak ki bniat kiba ryntih itynnad bha. Ka dur khmat ba kham long pyllun. Ka mih khmut mih khmat bha. Ka met ka phad kaba i dait bha haba ka phong jaiifi

phong nep. Ka kot haduh jan shkor ia u Fairlin ha ka ryntheng phum, u sniuh ba jrong haduh jan syngkai. Ka rta kumba khadphra snem ei ei. Haba rkhié ma ka, ka ring jadu ia ki nongpeit. Ym don uwei ruh uba lah khlem da peit lorni ia ka naduh khlieh haduh kjat ia ka jingbha briew bad ka jingwandur ka met ka phad.

Kumjuh ruh ia u Fairlin ha kane ka por, la tuh lut ia ka jingieit jong u da ka jingring jadu jong ka jingbhabriew jong ka.

"Phi pat phi kyrteng kumno la kylli sa ma ka, namar la kham lait u thyllie jong ka ban kren namar la kham duna ka jinglehraifi.

"Ka kyrteng jong nga dei u Fairlin, tangba ki shu ia khot Bah Bah."

"Phi sah hangno?"

"Nga sah sha Jaiaw, tangba ngam dei trai shnong nangto. Ka shnong trai jong nga dei na War."

Khlem da lap ba iohsngew ki lah da poi sha iing jong ka.

"Katai ka dei ka iing jong ngi" ka la kdew.

"Are, lah da poi mo khlem lap ba 'io hsngeu. Khie kata sa leit suk; lah biang em tharai, ngan shu pynpeit manga nangne."

"Ale da rung shwa ha iing seh Bah Bah ne phi kyrkieh...?"

"Em ngam da kyrkieh eh tangba 'lah miet keiñ."

"Shynrang-briew dang katta ruh phi... Ale seh rung, nga don hi tang marwei namar I pa ruh i shait wan miet man ka por."

"To kata jait ba phi la pynbor..."

Hadien kata ki la ia rung shapoh iing. Ka Shemsuklang ka dang pynkhreh ia ka sha, u Fairlin pat u dang shongkai. Katto katne pat ki la iashong dii sha lang ha ka kamra shongkai.

"Ngam lah ban siew kyliang shuh ia phi" la pynsgew ka Shemsuklang katba ki dang iadih sha. "Ngam nang batai ruh balei ka jia kumto, haba tang myn-ta hi ba nga kum slem ban wan phai."

“Ka leit jia kumto khnang ba ngin
ia ithuh paralok kei” U la biria noh
namar mynta kim da lehrañ shuh iwei ia
iwei pat.

“Ka lah ban lorg” ka shu jubab lyng-
kot bad ki la rkhie lang baroh arngut.

Ynda ki la dep dihsha bad hadien
khyndiat por u Fairlin u la leit phai noh
sha iing namar ba la miet artad. bad u
la khuon i thiah suk ia ka shuwa ba un
leit noh.

Shibnai eiei hadien ka jingjia ba la jia ia ka Shemsuklang. Ha kawei ka sngi saitjaiñ katba u fairlin u dang wan phai na jingtrei bad u dang kiew ia ka lynti na umsohsun, u da thmu ban leit phai noh, Sha iing da ka bus, bad hamar ba poi ha Motphran, Kynsan u la iohi ia ka Shemsuklang ba ka iaid marwei ka da rah artad iwei ipla ha kti.

“Are! shano kumne suklang phin leit? u la kylli.

“oh! ngan shu leit thied jingthied na iew phi Bah Bah. “Ka jubab. “Phi pat phi dang wan na shaei kumne?”

“oh! nga dang shuwan na jingtrei phi” U wiat rymmuiñ. Ma ka rub ka wiat samrkhie lang. “Ale ngin ia leit dih noh shwa da isha phi...” u tyrwa sngewbba ia ka.

“Keiñ noh shwa phi Bah Bah ich ngin sa ia dih ha kawei pat ka por namar ba nga kyrkieh.

"To ale phi tang shiphang kam rat da slem hi. u la pynbor. "Phi kyrkich ei dang katta por, ne phin leit bad shano de?"

"Em ngam leit shano sbano tang sha iew hi. Hynrei nga kham sngew salia ioh nga slem ban leit phai sha iing bad ioh lap ba miet artad phi i.

"To ale phi, kam rad da slem por haduh katta katta,"

"To ia kata, jait ba phi la pynbor eh.

Kunta baroh arngut ki la iarung ha kawei ka restaurant kaba don hajan hangta hi.

"Katno ngut phi ia don shipara Suklang?" la kylli u Fairlin katba ka sha kam pat poi bad ki dang iashong kai.

"Ngi iadon bi tang arngut shipara, nga dei iba nyngkong bad i para jong nga dei i shynrang, ide i ba thiah pang ha hospital ha kato ka por ba ka leit jia kumto katba nga dang wan phai na kaba leit aibam ia I. Mynta pat I la mih na hospital bad i la koit bha." la iathuh ka Shemsuk lang.

"Phi pule atu mynta?"

"Oh! nga dang shu leit pule ia ka P.U 1st year." Ka jubab

Sa shiphang ka sha ka lah da por. Katba ki dang ia dih kumta ki la ion lad tan ia peit lorni bad pynshong dor iwei ia iwei pat. Katno u Fairlin u shoh jingieit haba u peit ia ka jingbhabriew bad ka jingwandur ka met ka phad jong ka Shemsuklang. La pynkyndeh ia ka mynsiem jong u, da ka jingbhabriew bad khamtam lei lei haba u sngap ia ka sur-kren jong ka, ka ba jem jai jai kum ka um, katno ka ktik ia ka dohnud jong u. Kumjuh ruh ha ka Shemsuklang, u 'lei jingieit u la shoh ha ka dohnud jong ka. Ka peit ia u haba u wiat katno ka siat ia ka dohnud ba lung jong ka. U briew uba i-don ka main shynrang, uba i shynroin-shynriap briew bad uba i-kup ia ka dur jong ka jinglong ba bha ha u. Ka la shu peit seh ia u khlem nang kren shi kyntien ruh.

"Suklang..." la sdang ban khlei u Fairlin ha ki sur ba jai-jai, "nga don ban ong ei ei ha phi, phin ym shgew ei ei tharai?"

"Kaci kata Bah Bah, engewbha ong seh ngam sngew ei ei."

"Suklang nga kwah ka jingieit na phi u la kren ha ki tien jali-jaum. "Ngam tip bad ngam nang batai hi ruh balei ba naduh ba nga ia ithuh nyngkong bad phi na kato ka jingjia phi ktik ia ka dohnud jong nga bad ngam lah khlem da kyn-maw bad puson ia phi miet la bad sngi. Nga la hap ha ka jingieit bad phi, phi lah ne em ban pdiang ia nga?"

Ki ktien jong u Fairlin ki ktik ia ka dohnud jong ka Shemsuklang. Ka sawkyiang ki ngap namar ka dang sngew-lehraiñ artad ba kane ka dei ka sien ba-nyngkong eh ba ka iohsngew ia u samla briew u ban pynpaw markhmat ha ka ia ki kyntien jingieit. "Kumno nga lah ban kyntait ia u briew uba la pyllait ia nga na ka kti jong ki nong dusmon kiba thmu ban pynjet ia ka long-rynieng jong nga" Ka puson halade shiphang. "Nga la don jingieit ruh ia i naduh nyngkong." Ka nang shoh-jingieit katba ka nang mutdur.

"Nga kloi Bah Bah ban pdiang ia phi, nga la khmih lynti ruh la kham

slem ban ioh ia kaba kum kane ka sngi." Ka peit sha u da ka khmat ba kmen bad phuh samrkhie. "Tangba rg... nga sngew artatien pat ia I mei I pa ioh kim suk ia ngi arngut." Ka la pynsngew.

"Ieh wat khuslai shaphang kata." U la ong, "ngan sa wan ban iathuh bad pynpaw hakhmat I mei I pa jong phi, hynrei kaba nyngkong eh ka shong ha phi hi. Phi kular ne em ban iaineh haduh kaba kut bad ban nym iehnoh tang shiteng por."

"Ngam lah Bah Bah ban shu iehnoh tang shiteng por. Ngam lah ban shet shukor pat ia ka jingieit kaba nga la theh sei ha phi" Ka la khlei ha u.

Namar ba ka dei ka sngi saitjaiñ Kumta u Fairlin, u la iakut ia ka Shem-suklang ba kan wan ia kynduh ia u ha ka jan miet jong ka sngi kaba bud, kata ha ka sngi u Blei ha Nanpolok ba kin ioh ia leit kai artad. Haden kata ki la ia mih noh napoh restuarant bad kila ialeit noh la ka lynti.

Ka dei ka janmiet jong ka sngi u Blei. Kumba ju long ka Nanpolok ka hum-hum ham-ham bha da u nongwan iaid kai kylleng ki dong jong ka Sor Shil-long. U Fairlin ruh u la wan ha ka por kumba u la iakut bad ka Shemsuklang. Ma ka ruh hadien khyndiat por ka la wan poi. Hynrei ha kata ka sngi kim shym la ioh ka kabu kaba biang ban ia iaid kai de shane bad shatai namar u slap u pyynthud noh ia ki ba ka dei ka aiom slap. Ki la shu iashong kai katto katne por ha Nanpolok bad hadien kata ki la ialeit noh.

Ki sngi, ki taiew bad ki bnai ki iaid sted haduh katta katta ha u Fairlin bad ka Shemsuklang. Ka jingieit jong ki ruh ka nangphyrnai bad nang skhem katba nang mih ki por. U Fairlin ha ki sngi kiba u ioh shuti na ophis, u ju leit kai barabor sha iing jong ka Shemsuklang bad man ka sngi U Blei ruh kim ju pep ban iaid kai ban mad ia ki lyer pyngngad bad iwbihi jong ki jaka ba pher ba pher bad ba itynnad jong ka sor Shillong. Ha iing jong ka Shemsuklang ruh um ju lehraifi

bad sngew nongwei ~~shuh~~ namar ki kmie
 ki kpa jong ka ruh ki la tip ia ka jing
 ialeh iajan jong u bad ka, bad ki da
 sngewtynnad ruh ba ka khun jong ki kan
 ia poikha-poiman bad u. U Fairlin u
 sngew ba dei tang ka Shemsuklang ka ta
 lah ban ai jingtngan ia u ha ki por ba
 u sngewsih bad khulai. U sngewthuh
 ialade ba ka shyieng krung jong u. ka don
 bad ka bad la thoh ia u bad ka bad u
 da ieid hok ia ka naduh ka mynsiem
 bad ka dohnud. Ka Shemsuklang ruh ka
 eid ia u haduh katta bad ka aiti bad
 shanah ha u met bad mynsiem.

Ar bnaí shiteng naduh ka sngi ba u
 Fairlin u la ia iaíd bad ka Shemsuklang
 ym shym la don kaei kaei ki jia ha-
 pdeng jong ki. Ha kawei ka jan miet
 jong ka sngi u Blei katba ki dng iaíd
 ha Police Bazar na kaba ki dang wan
 kai na Napolok, ki la ia kynduh kyn-
 san - nguk ia ka Merina.

"Bah Bah" ka la khot kynsan, "Sha-
 no kumne? Tang ka shithi ruh phim ju
 thoh shuh. I khunlung mynta i pang bad
 nga dang wan phah peit doctor mynhyn-
 nin ka sngi. Phim joh jingtip ei ei seh,
 nga la phah ia ka shithi mynta la kumba
 sawsngi ei el.."

"E...e....em, ngam shym la ioh shithi ei ei ruh em." U la jubab bad ka saw kyrang ki ngap.

Kumba thlieh arliang ia ka dohaud jong ka Shemsuklang bapli ka bym tip ei ei ruh em, ka la shu ang tyngheng khlem nang kren shikyntien ruh.

"Sngewbha sa wan mih ha station kali la shai ka sngi keiñ namar ngan hap ban leit phai noh bad nga donkam ban ong ei ei ia phi." La phai ktien biang ka Merina lum ban kyrpid ia u

"To ngan sa wan" u jubab lyngkot khnang ban leit noh na kaba iakren bad ka. Hadien katto katne. "To khie sa leit kata ngin sa iakynduh la shai. Mynta nga kyrkieh bad ngan leit noh namar ba nga phah wan kai ia ki paralok sha iing." U la shu thok noh ia ka.

Hadien kata ki la ia leit noh bad u Fairlin bad ka Shemsuklang ki la ia leit rung dih sha noh ha kawei ka Restuarant. Katba ki dang shong hangta ka Shemsuklang pat ka shu dem shapoh da ka jingsangewsh bad ka iam artad bhuk bhuk namar ka, la sngewthuh mynta ba

pleng u baieit jong ka baroh shikatta u la da don khun shawei.

"Suklang," u khylli ia ka khmat jong ka, "balei, phi iam ne? na kaei ka daw". u leh mynkylli.

"Ngam tip Bah Bah, pyr^hhat hi keiñ" ka jubab lyngkot.

Fairlin um nang ong ei ei shuh u la shu sngap noh shiphang.

"Ngam tip Bah Bah, pleng phi lah da don khun shawei mo? Ka la phai biang. "Katto lehse jingieit jong ngi kan sa shu jah rngai noh ha ki saw lyer. Namar jong phi Baieid ngan iai sngewsih bad khuslai katba nga dang im." Ki ummat jong ka ki nang tlor (kyrsoi) katba ka nang kren.

"Ieh wat kren seh Suklang kumta" u la ong bad u la pynñiad noh ia ki ummat jong ka. "Da sngap seh ngan da iathuh ia ki jingshisha baroh. Nga pan map na phi lada phi dang lah ban map, bad nga pdiang ia phi watla phim kyn-tait ia nga."

Ynda ka sha ka poi bad katba ki dang dih sha kumta, u Fairlin u la phla lut ha ka nadong shadong. U da phla ruh ba ka Merina kam shym la ioh khun na u, hynrei ka la ioh na uwei pat de bad kane ka long ka jingshisha namar ba ka Merina ka long kaba iaide bad shawei shawei wat ha shuwa ba kan iajuh iajan bad u Fairlin ruh. "Nga da tip thikna ba ka Merina kam shem la ioh khun na nga bad nga mut ban leit ia kynduh la-shai ka sngi ruh ba ngan ioh ban phla ia kata bad ban jngai syndon na ka." u da pynkut artad.

Ka Shemsuklang ka kham sngewtngen khyndiat. "Ngam tip kumno ngan rai" ka la ong. "Nga ieide ia phi naduh ka dohdud baroh. Nga kloie ban map iaphi hynrei nga tieng pat ha leh I mei bad i pa kim lah shuh ban map lada kin tip."

"Kata ka shong eh ha phi kumno ba phin ia thuh ia kaba nga hi nga la phla ha phi ia ki jingshisha baroh bad lada jia ba kim suk kaei ba phin rai ruh ka shong ha ka mon jong phi." u la pyni.

"Kumba nga la aiti ha phi, kumta ngan ialeh hi katba lah ban khroh bad

pyni ia i mei i pa ba kin suk kin hun
 m'ngi arngut bad ba kin ym iathew ia
 ki jingduna baroh, bad lada jia ba kim
 koh-iguh, nga kloi ban aiti haphi bad
 ban bad ia phi kat shaba phi ialam." la
 rai-kut ka Shemsuklang.

"Namar jong phi baieit ngan tur lyng-
 ba ki raieh-raidam, bad ngan ym sngap
 ia ki jingkron ba laiphew jaid kiba ka
 pyrthei hi ka lah ban kren. Nga kyrmen
 ruh ba i rei i pa jong phi kin ym ia-
 thew eh ia ki jingduna bad ki lait ki
 let jong nga baroh" La phla u Fairlin
 ha ki tien jali-jaum.

Hadien kata ki la ia mih noh napoh
 Restaurant ban leit phai sha iing bad u
 Fairlin ruh u la leit on haduh ha Stand Bus
 Mawlai kaba ha Mot Phran.

Ha kata ka miet ka Shemsuklang ka tang shu poi ha iing, khlem bam khlem dih ka la rung beit beit sha kamra thiah u Bah Presiding u kpa jong ka, u la i phylla ia la ka khun ba ka leh kumta bad u i lynggoh ba ka khmat jong ka, ka i khia katta katta bad ka i dap da ka jingklusai. Katto katne por badien u la leit rung sha ka kamra thiah ba ka don, u la shem ba ka Shemsuklang ka iam bhuk "bhuk halor jingthiah.

"Balei khun phi iam?" u la kyli.
 "Kaei kaba la jia ia phi? iathuh seh."
 U la khroh ha ki ktien ba jai - jai.

"E... e... em Papa ym shym la jia ei ei." Ka la jubab.

"Te balei pat phi iam?"

"Ti... tip Papa, ng... a... ngam nang batai balei nga iam."

"Ngam ngeit ba phin shu iam khlem kano kano ka daw" u la ong. "Iathuh seh khun kaei kaba phi ngew bukhroh ne ngew khroh ka myniam." U la khroh

Hadien kata la wan sa ka kong Ia-raph n ka kmie jong ka.

"Balei.... balei, kaei kaba la jia la ka Shemsuklang bapli?" Ka la kylli sa ka kmie jong ka namar kam pat tip .

"Tip seh kmie, ka jia aiu ia ka khun bapli ka shu iam la ka iam" la iathuh u bah Presiding. "Iathuh seh khun, iathuh" u phai sha ka Shemsuklang.

"Pa Pa, Mei Mei" ka la phai sha ki, "Ngam tip ka nusip jot aiu kane ka wan lap ia nga haba ito i Bah Bah iba nga la iajuh iajan baroh shikatta, nga tip mynta ba pleng i lah da don shawei naduh mynshuwa bad i la iahap ruh bad ka. "Ki ummat ki nang iai tuid, "Hyn-rei ngan leh kumno kein nga la jeid palat ia i bad ngam lah shuh ban iakhlad da lei lei ruh bad nga sngew kumba uta uba la thaw ia ngi ki briew hi u la phah ia i Bah Bah ban pyllait im ia nga mynshuwa na ka kti kito ki 'khar pohjait bad ba nga sa ia ithuh ithaw bad i." Ka la bteng.

"Nga sngewsynei khun ba phi la hap ha kaba kum kata ka apot," la ong u

kpa jong ka, "tangba balel pat ba phin da pynkhuslai ialade. Kat ka rta jong phi, phi dang biang bha, kyrhai kiwei pat ki rang-samla ruh ki dang don. Ia-khlad noh bad i Bah Bah bad pynpalei jingmut noh shuwa ialade. Klet noh ia kiei kiei baroh bad kyrmen ia kaba bha hadien namar phim shym la leh palat ne shet kylla ei ei ruh em." U la pyni.

"Kan lelt duh shano lada kan ia khlad noh bad i Bah Bah" la kem ktien sa ka kmie, "nga tip ba shibun kiba ibha ia ka wat mynta ba ka ia ia id bad i Bah Bah ruh, tang ba kam treh hi pat. Shibun ki heh - ki haiñ ruh nga tip ba kin sa iapmat ia ka, artad mynta ka la i biang bha ha ka rta bad ka rynieng - ryniot;."

Ngam lah ban ia khlad da lei lei ruh," la iathuh ka Shemsuklang. "Nga pen map na phi lada phi dang lah ban map kumba nga hi nga la map ia i namar nadien ba i la phla ia kiei kiei baroh nga shem ba i la im da kawel pat ka jingim ba synlar. U long u briew uba bha ha ka jinglong - jingim bad kiei kiba ula leh u iathuh ba ki dei tang ki mawjynthut da kiba u ioh jinghikai na ki. U da phla ruh ba u ieid hck ia nga had u kular ban iai neh hadun kaba kut."

“Ngan nym suk da lei lei ruh” la kren dom u kpa jong ka. “nga nang tharai mynshuwa ba u long u ba khuid ba suba. Phi dei ban iakhlad noh syndon lym kumta, phi dei ban mih noh naka ne ka iig.” U ilan kren khor bad u mih noh artad na kamra jong ka.

“Peit shane khun,” la khroh sa ka kmie jong ka. “Wat nym khuslai, ia khlad noh bad i Bah Bah, kiba kham bhabriew, tha jinglong, bad ki heh - ki haiñ pha lah ban ioh hadien. I Bah Bah nalar ba i dei i nongkyndong bad artad ruh ba i lah da iahap shawei kumta te ym iah da kiwei pat de?”

“Em, mei, horkit - hordang ngam lah ban iakhlad shuh.” Ka la iathuh

“Kata ka shong ha phi khun lada phi la ieid eh haduh katta katta, tangba pyrkhat sani keiñ ia ki ktien jong u kpa kiba u la kren. Phi leh ban ieh ia ka iing ne phi lah ban iakhlad noh bad i Bah Bah ne?” Ka la pyni bad hadien kata ma ka ruh ka la mih noh na kata ka kamra ban leit thiah noh.

Ha kata ka miet ka Shemsuklang ka khlem bam khlem dih wat tang khyndat

ruh. Baroh shimiet ka khlem nang ioh-thiah - iohdem. Marwei marwei ka lynga ka pisa mynsiem bad la pason la u Fairlin. Teng teng ka phongoid na jingkhang iit ban peit kai 'a ka mariang kaba la tap da ka jingdum. Ka jaw ummat bad ka kynmaw ia ki sngi ba kmen bad ba ki dap tang ki jingsngewbha ryngkat bad u Fairlin. "Ah! ba ngan da don thapniang ba ngan ioh ban her sha I baiet lehse tang ha i ngan ioh jingsuk" mian-mian ka kren wei biew. "Baiet! Baiet! baiet phim wan shaw noh ia nga mynta. Nga klo'i ban siti haphi kumba nga la rai" ka iam marwei.

Hadien katto katne por ka la pyneh triang ia lajka dohnud bad ka la kut jingmut ba kan sa phet noh na iing ha kawei ka miet ban leit bad ia u Fairlin bad kumta shawa ba u 'yiar nyngkong un kynih ka la iohthiah noh jar.

Ki sngi kiba hadien naduh ba ka Shemsuklang ka la iathuh ia ka jingjia kaba ka la iakynduh ha ki kmie ki kpa bad ma ki ruh ki la khang pyrshah ia ka ba kan dang ia jan bad u Fairlin, ki long ki sngi kiba dap tang ki jingklusai ha ka Shemsuklang bad kumjuh ruh ha u Fairlin. U la shu lyngogoh namar u khlem ioh shithi ne ioh jingtip ei ei shaphang jong ka. U la shu lynga bad pisa mynsiem bad u la shu tharai beit ba ki kmie ki kpa jong ka Shemsuklang ki la khanglad ia ka jingieit jong ka ia u bad lehse ma ka ruh ka la kohnguh noh ia ki. La un leit sha iing jong ka ruh u la sngewlehrañ bad u artatien ruh la ka Shemsuklang ka dang ieid ne em ia u. Kumjuh ruh ka Shemsuklang ka la shu pisa mynsiem bad ka kwah dik dik ban iakynduh noh ia u. La kan shu thoh da ka shithi ruh kam tip haei u sah wat la ka tip ba dei ha Jaiaw ruh. Kam tip pat ha ka kyntoit aju bad ka iing jongno u sah ka la shu sah ha ka jingdum bad ka kut lad. La kan shu mih leit kai ha la sngi u Blei ruh ioh ka shu iakynduh kumno re kumno ia u hynrei kam ioh lad

shuh namar ki kmie ki kpa ki la pyrkhing
shibun ch ia ka bad ha ka sngi u Blei lei lei
kim ju shah shuh ba kan leit shaei shaei.

Ka la iaïd slibraï bad ka jingkhriat
ka la sdadg ban sam lyngba ia ka mariang
ba ka la jan ka aiom tlang. U Fairlin u
la dei ban pynkhreh ban ialeh ia ka pro-
motion Examination ka ban sa long sa shi
bnai eiei u la ialeh ban klet shipor ia ka
Shemsuklang khnang ba un ioh pynleit
jingmut ia ki kot ki sla namar ka exsamin
ka ap ha khmat ia u. Hynrei um lah
ban klet ia ka. U la lynga pisa bad um
nang ioh thiah ioh dem shuh. U la kulmar
thlim kaei un leh, la u la wad ki lad ki
lynti ban ia kynduh ia ka ruh um ioh
satia. Ba un leit nih sha College ha ka
ba ma ka, ka leit Pule ruh um ioh lad
namar ba u leit trei mynsngi. khatduh u
la kut jingmut ba la la long kumno
kumno ruh un shu leit mih noh sha iing
jong ka ha ka sngi u Blei ka ban mih.

Kumta ynda ka sngi u Blei ka la mih
u la leit sha iing jong ka ha ka por 2,30
P.M eiei, Donbok ba ki kmie ki kpa bad
u para jong ka ki darg leit jingiaseng
bad ym shym la don mano mano ha iing
lait tang ma ka.

"Bah Bah!" hadien ba ka la plie ia ka jing khang," Shano Bah Bah phi jah," ka kdup bad ka doh ka dat ia u. "Nga la ap khmih lynti ba phin wan mib sha iing hynrei lehnohei, bad nga la shu lynga pisa bad sngew sih namar jong phi. Ka la iathuh.

"Nga ruh nga la shu pisa ka mynsiem namar jong phi. nga la wad ki lad ki lynti ban ia kynduh ia phi hynrei ngam ioh satia. La nga mut ban wan sha iing jong phi ruh nga artatien lehse ka long nar-khongpong ka jingthmu jong nga bad i mei ipa jong phi. Kumta wat mynta ruh nga la shu wan da kaba nga rai ba lada ka long kumno kumno ruh ngam ym khein shuh." u la phla.

"Bah Bah baieid, nga sngewsih ban ia thuh ia phi ba hadien ba nga la iathuh ia imei ipa ia kiei kiei baroh kiba phi la phla ha nga pynban kim suk satia ia ngi," Ka la iathuh da ka khmat kaba i diaw. "Kumta kumba nga la rai, ngan aiti ialade ha phi la ha ka duk ka kynduh ka shitom ka shipa ne ha ka kup ka sem shiliang wat la ka long kumno kumno ruh ngan shaniah tang ha phi," ka la bteng pat.

“Suklang bafeid jong nga, kata phi mut ban iehnoh ia la ka üing ka sem bad phin bud ia nga keiñ? u la kylli.

“Hooïd Bah Bah nga kloï ban iehnoh ia ka üing ka sem bad ban bud ia phi. Ka la iathuh.

“Baieid! Baieid!” u peit sha ka, u sangeh shiphang, katno u isynei ban peit “Nga kloï ban shimti ia phi. Phin sa long ijong nga bad.. ijong phi naduh mynta,” u kdup bad doh ieid ia ki rymmiang shyntur jong ka. “Baieid,” u la kren ieid katba u dang kdup ia ka, “Shemsuklang phi dei, kunta ruh ngin sa shemlang ia ka jingsuk ynda ngi la lait na kine ki jingeh baroh. Sa shipor ngin sa ioh ynda haba imei ipa jong phi kin sa suk ia ngi ban iashong shi junom.”

“Bah Bah ialam noh ia ng seh, kala ong,” nga la kloï ban bud naduh mynta ruh.”

“Kan bha ia nga Baieid ba phin wan shaw mynmiet khnang ban nym don kiba iohi.”

“kat kaba phi sngewbit Bah Bah”

“Suklang peit shane, ula ong, lashai ka sngi ha ka por 11.00 P.M ne 11.30 p.m ei ei ngan sa wan shaw bad lehse ki kmie ki kpa jong phi ki la ioh thiah. phi dei ban mih beit sha baranda bad rgin sa ia phet...”

Ynda ka sngi nyngkong ka la poi, ka Shemsuklang ka la thoh kawei ka shithi ban iathuh ia ki kmie ki kpa ba ka la leit bud noh ia la u Baieit u Fairlin. Ynda ka por nymiet kumba la ia kut ka la poi ka la buh ia kata ka shithi halor ka miej bad ka la mih sor na iing ban phet shabar. U Fairlia uba la ap lopa ha phyllaw iing rub u targ shu iohi ia ka u la khot mian-mian bad hadian kata u la ialam noh soit ia ka sha la iing ha kaba u sah ha Jaiaw.

Ka sngi kaba ar ka la mih, ki kmie ki kpa jong ka Shemsuklang ki la lyngngoh ba ka khun jong ki kaba khie thiah barobor dangstep hynrei ha kata ka step kam shym la khie thiah kumba ka khie barobor. Ynda ki la leit ban peit sha kamra thiah ki la lyngngoh bad kyrdit ban iohi ba ka khun jong ki kam don shuh ha jing-thiah. Ki la sngewkyndit shuh shuh ban iohi ka shithi kaba don nador ka miej kaba don hangta. Ynda ki la pule pat ia ka ki la shaiong ngaiñ ban tip ba ka khun jong ki ka la phet pynban bad u Fairlin. Kim nang pyrkhath bad leh ei ei shuh bad ki la shu dap tang da ka jing-sngewsih bad khuslai. Ba kin leit wad sha ka iing ba sah u Fairlin ruh kim da tip thikna wat la ka dei ha Jaiaw hynrei ka kyntoit aiu ban ka iing joagno kim tip. Kumta ki la shu lynga pisa bad pyrkhath khuslai na ka bynta la ka khun.

U Fairlin bad ka Shemsuklang pat wat ki tip ba ki dang don hapdeng ka jingma bad ka jingsyier pynban ki suk bad ki kmen ban ioh ia shong syndah kumba ki la angnud. U Fairlin u la thoh

shithi ban pyntip sha la ki hmie ki kpa
ia kiei kiei baroh ki jingjia naduh ba u
sdang ban ialang samla bad ka Shemsuk-
lang bad haduh ba un da ialam ia ka
sha iing lyngba ka jingphet tuh jong ka
mynmiet.

Kum ki samla kiba dang del ban mad
ia shibun ki jingsngewbha bad ki jing-
sngewkwah brai jong ka doh kumta ruh
ka la jia haba u Fairlin bad ka Shem-
suklang ki la iashongiasah ryngkat. shibun
ki jingpyishoi ki wan ban pynngop ia ki
ha ki jingkwahbrai ka doh. Wat la ki
ialeh katba lah ban lait na ki, hynrei kim
lah shan hi bad ha kaba khatduh ki la
kum ngop ha ki jingkwahbrai jong ka doh
bad ki la ia hap samla.

Man ka sngi u Fairlin u ju leit sha
jingtrei bad ynda la lait na jingtrei u wan beit
sha iing ban ioh khreh kot namar ba
ka eksamin s1 tang shi bnai duna. Mynta
u la kham suk bad u la kham oh por
ban khreh kot namar u la don la ka nong-
pynshet pyntiew bad ka nongsumar ia u.

Ha kawei ka sngi katba u Fairlin u
dang iaid ha Police Bazar na kaba u wan
trei kynsan u la iohi ia u kpa ka Shem-

suklang ba u dang thied kwai na kawei ka dukan die kwai kaba harud lynti. Ma u ruh, uba dang wan na jingtrei bad u dang mut ban leit noh sha iing, u la iohi ia u Fairlin. Kane ka la jia san sngi hadien naduh ba ka Shemsuklang ka la phet na iing.

"Bah Bah shano kumne?" i kren u bah Presiding u kpa ka Shemsuklang.

"Oh nga dang wan na jingtrei ba i nga mut ban leit sha iing," la jubab u Fairlin, "Phi pat" u la kylli.

"Nga ruh nga dang wan na jingtrei keiñ," u la jubab u bah Presiding. "Bah Bah," u la bteng biang katba ki dang noh ia ka lynti [sha Dreamland Cinema," lehse ngi la kum teh kynjri bad khanglad ia ka jingiaieit jong phi arngut. Ka daw ka long namar kumba la iathuh ha ngi da ka khun jong ngi te phi la don hi shawei naduh nyngkong bad kata ka briew ruh ka la da loh. khun mynta. Kumta mynta ngi kwah ba tip nyngkong la phi dang ia laid ne em bad kata ka briew."

"Bah, nga la dep ban iathuh ia ki jingshisha baroh ha ka Shemsuklang ba

nga da tip shai ba kata ka briew hi kam shym la ioh khun na nga bad ka jingshisha hi ka la paw tyngkreiff mynta. Nga la tip shai na ki khlieng ki tyngap ia uta u briew uba la ai khun ia ka bad nga la pynpaw ia kata ka jingshisha ha khmat jong kata ka briew. Kumta mynta lei lei ngam donkam shuh bad ka bad nga la dep iakhlad la shibnai ei ei." la iathuh lut u Fairlin artad artad lynti.

"Nga la sngewthuh mynta ia ki jingshisha baroh bad ngi kloï ban suk bad mon ia phi ba phin ia poikha - poima lada kam don jingwit jingwa laha kano kano ka liang. Kumta sngewbha sa wan noh sha iing ryngkat ka Shemsuklang khnang ba ngin ioh ban ia pynbeit." la ong u Bah Presiding.

"To kata." la jubab u Fairlin

Khlem lap ba ioh sngew ki la da poi sha Motphran bad hadien ba ki la ia dep dii sha na kawei ka dukan hi la ialet noh la ka jong.

U Fairlin ynda u la poi sha iing ha kata ka miet u la iathuh lut ia kiti kiei kiet baroh ha ka Shemsuklang bad ki la

pynbeit ruh ia ka sngi ba kin leit phai sha iing.

Ynda kata ka sngi ba ki la ia pynbeit ka la poi baroh arngut ki la ia mih lang. Ynda la poi ha Mawlai ha iing jong ka Shemsuklang la pdiang hun ia u Fairlin da ka kmie u lpa jong ka Ka jingia-kren ka la long kaba seiso hait noh tang kawei kaba kham sngewdiaw ba kine arngut kim ioh shuh ban da iathoh ba ka burom namar ba ki la ia hap. Kane baroh ka long na ka daw ki kmie ki kpi jong ka Shemsuklang hi ba kim shym la nang ban da wad san bha, ban da kylli tohkit ia ki jingshisha baroh hynrei ki la shu bam jakhuid khlem da puson bha bad mynta pat kam myntoi ei ei shuh ia ki. Wat la ki la babe kylla.

Ha kata ka sngi ki la ia pynbeit noh ba kin shu ap sa tang na ka liang kiba haiing - hasem jong u Fairlin lada ki suk ki mon ba kin wan ha kano kano ka sngi ban wan iakren bad ba kin da pyntip da ka shithi ha kano ka sngi ba kin wan.

Ha ka sngi kaba bud u Fairlin u la leit phai sha la shnong ba un ioh iathuh

ia kita kiei kiei baroh ha ki kmie ki kpa bad kiba haling hasem. Ma ki ruh da kawei ka jingmut ki la shu hun ia kaei kaba u khun jong ki u la leh bad ki da sngewtynnad ruh ba u la pyntip ruh naduh basdang. Ki la kubur ia kata kaba u khun jong ki u la mon ban iashong bad kata ka briew. Ki da sngewtynnad ruh ba u khun jong ki un ia poi bad kata ka briew kaba donburom - donakor bad kaba bha jinglong - jingim watla kim da tip thikra bad kim pat ithuh ruh ia ka hynrei ki lah ban sngewthuh na ka jingiathuh jong u khun jong ki. Kumta ki la iapynbeit ia ka sngi ba kin leit iakren bad ban ia buh por buh ia ban pyndep noh ia ka jingiathoh shongkurim jong ki arngut, u Fairlin bad ka Shemsuklang watla kim ioh shuh ban iathoh ha ka burom.

Ha kata ka sngi ba ki arliang kur-
arliang kha kila ia kynduh, ki la ia pyn-
beit ba kin pyndep ia ka jingiathoh shong
kurim jong kine arngut badien ba ki la
dep ban faleh ia ka eksamin, kata ia ka
promotion examination namar ka Shemsuk-
lang ruh ka dei ban faleh ia ka P.U. Promo-
tion Examination bad u Fairlin pat ia ka
B.A. Promotion Examination.

Hadien katto katne taiew u Fairlin bad ka Shemsuklang ki la dep ban ialeh ia ka eksamin. Ka Christmas 'day ka la jan, ka jingkbriat jong ka tlang ka la sam lyngba ia ka mariang, ki briew ki la sdang ban bun kam ha kaba pynitynnad bad airong-airup ia ki iing ki sem ban pdiang sngewbha ia ka Christmas day. Ki jingrwai Chritmas bapher bapher ki mih na man ia ki thliew iing bad ki pyn-sngewtynrad ia ka mariang bakhuid bad ba sngewtynnad. Kumjuh ruh ka iing jong u Bah Presiding bad i kong Iaraphun ki dang bunkam ha kaba pynkhreh na ka bynta ka sngi ba ka khun jong ki kan pyndep ia ka jingiathoh shongkurim bad u Fairlin, bad kumjuh ruh ban pdiang burom ia ka Christmas day.

Katto katne sngi shuwa ban Poi ka sngi Christmas u Fairlin bad ka Shemsuklang ki la dei ban pyndep ia ka jingiathoh shongkurim. Ka iing jong u Bah Presiding ka la shngaiñ da ka jingwan poi ki kmie ki kpa, ki hynmen-ki para bad kiba haing-hasem jong u Fairlin bad ka Shemsuklang ruh ki la wan pynshngaiñ bad lehkmen lang bad ki da ai khublei bad ki jingai sngewbha de bad ka kyrkhu-kyrdoh bad kitbok-kitrwiang. u Rat-

bor u paralok ba shi mynsiem jong u
Fairlin ruh u la war.

"Happy wedding day for you Bah
Bah" u la ai khublei, "I wish you all the
best." U la pynkut.

"Ihank you Ratbor" la ai khublei
u Fairlin bad ki la ia rknie lang baroh
arngut da ka jingdap jingmen.

La pyndep ia ka jingiathoh shong
kurim ha ka rukom kata itynnad bad
ishongkun.

U Fairlin u la phai sha ka Shem-
suklang da ka khamat ba phuhsamrkhie
bad ki la ia kdup bad doh ieit markyl-
liang.

"Ngi la shem lang ia ka jingsuk myn-
ta" u la ong, "Naduh kane ka segi ngin
ioh ban iaishong ryngkat junom la junom
haduh ba ka jingiap hi kan pyriakblad."

"Bah Bah phi long I jong nga bad nga
I jong phi." Ka shaniah ha ka shodem
jong u, "Nga kham ieid bun spah shah
mynta ban ia kaba nga la ieit mynshuwa."

“Suklang Baleit katto ki diengpyng-
 kiang ki la wai Nga la shem ia phi bad
 mynta ngin ioh ban tei thynmai pat ia
 la ka jingim.”

- La Kut -

**Ka Hima Enterprise Room No 39 ka
kloi ban iarap pynmih bad pynmih At ta
la ki kot, lada phim pat ju mlien ne phi
bunkam ban leh ta katei. Ka kloi eh ruh
ban iarap khamtam lei ia kito kiba dang
sdang thoh kot.**

**Lada phi don kano kano ka jingeh
ban pynmih ia kino kino ki jait kot sngew-
bha ban ia kynduh bad ka Hima Enterprise
Room no 39, ngi kloi eh ban iarap.**

**Ka die ruh bun jait ki kot
jingiathuh khana Khasi, ki kot Skul bad ki
kassette jingrwai Khasi, Phareng ha ka der
kaba biang.**

**Hima Enterprise
Shillong Super Market
Room no 39**

